

Inatsisissamut oqaaseqaatit

Oqaaseqaatit nalinginnaasut

1. Aallaqqaasiut:

Naalackersuisut 1993-imi Nunalerineq pillugu Siunnersuisoqatigiit pilersippaat Siunnersuisoqatigiit nunalerinermut tunngasutigut Naalackersuisunut siunnersortaanissaat siunertaralugu.

Nunalerineq pillugu Siunnersuisoqatigiit maannakkut suliassarisaat Naalackersuisunit akuerisaasoq naapertorlugu makkuninnga suliassaqartitaapput:

- Kalaallit Nunaanni nunalerinerup aqunneqarnerata iluani suliniutit nutaat pillugit Naalackersuisunut oqaaseqaateqartassallutik.
- Nunalerinermut tunngatillugu nammineq suliniutigalugu Naalackersuisut suliniutissanik nutaanik siunnersuuteqarnissamut imaluunniit inatsisit atuuttut allangortinnissaanik siunnersuuteqaqqullugit inattarlugit.
- Nunalerinermi aningaasarsiornikkut ineriartorneq malinnaaffigissallugu paasisutissat katersorneratigut suliarineratigullu.
- Inuussutissarsiorerup tamakkiisup aningaasarsiornikkut pitsaasumik ineriartornissaa siuarsarumallugu siunnersuuteqartassalluni.
- Aningaasanut inatsimmi nunalerinermut tapiissutaasartut agguarneqarnissaannut atorineqarnissaannullu siunnersuuteqassalluni.
- Nunalerineq pillugu Siunnersuisoqatigiit suliannut missingersuutit naatsorsuutillu Naalackersuisut akuerisassaattut inassutigisassallugit.
- Nunalerinermut Siunnersorteqarfik aqutsisuuffigissallugu.
- Nunalerinermut politikki pingaarnersuq sukkulluunniit atuuttoq naapertorlugu Nunalerinermut Siunnersorteqarfiup suliassani tullerriiaarneri nakkutigalugu.
- Upernaviarsummi misileraavimmut pisortaassalluni. Nunalerineq pillugu Siunnersuisoqatigiit misileraarnermut siunnersuisunik

suleqatigiissitaliorsinnaapput misileraaviup suliniutaasa sularinerannut akuerineqarneranullu siunnersuisussamik.

- Nunalerinermut politikki pingaernerusoq sukkulluunniit atuuttoq naapertorlugu Upernaviarsummi misileraaviup suliassani tullerriarneri nakkutigissallugu.

Suliassat qulaani taaneqartut inatsisip allangortinneqarneratigut pisariaqalerpoq nutarterneqarnissaannik. Nunalerinermut Siunnersorteqarfimmu Upernaviarsummilu misileraavimmu missingersuutit naatsorsuutillu Nunalerineq pillugu Siunnersuisoqatigiit missingersuutaanni naatsorsuutaannilu ilaapput. Nunalerineq pillugu Siunnersuisoqatigiit missingersuutit naatsorsuutillu Naalakkersuisunit akuerisassatut inassutigisarpaat.

Tassalu Nunalerineq pillugu Siunnersuisoqatigiinnut suliassarititat aqutigalugit apeqqutinut nunalerinermut tunngasunut Naalakkersuisunut siunnersuisuinnangillat, aammali tamatuma saniatigut suliassat allaaserineqartut isumagisarlugit.

Nunalerinermut Siunnersuisoqatigiit suleriaasianni Naalakkersuisunit akuerineqartumi Naalakkersuisut aamma Nunalerineq pillugu Siunnersuisoqatigiit pisussaatippaat Siunnersorteqarfik Upernaviarsummilu misileraavik aqussagaat pisinnaatitaaffigalugulu pisussaaffigalugu nakkutigissallugu suliffeqarfiit taakkua sulissasut aningaasallu Landskassimit tapiissutaanerusut nunalerinikkut politikkimut pingaernerusumut tunngatillugu naapertuuttumik atussallugit.

Tassalu Nunalerineq pillugu Siunnersuisoqatigiinnut aalajangiinnissamut aningaasaliissutinullu oqartussaaneq isumagisassangortinneqarsimavoq tamannali inatsisikkut pisimanani. Tassalu inatsisitigut inissisimaneq tamanna maanna nunalerineq pillugu inatsisip allannguutissaatigut matumuuna allangortinniarneqartoq.

2. Siunnersuummi pingaernerusut:

Siunnersuummi pingaerneruvoq Nunalerineq pillugu Siunnersuisoqatigiit atuunera oqartussaaffiilu inatsisitigut aalajangersassallugit. Siunnersuut aqutigalugu Naalakkersuisut maleruagassanik aalajangiisinnalissapput Nunalerineq pillugu Siunnersuisoqatigiit suliassanik isumaginnittunngortillugit pisussaaffilerneqarnissaannut, taassuma ilagalugu maleruagassanik aalajangiissallutik Nunalerineq pillugu Siunnersuisoqatigiit ingerlatsinikkut aalajangiisinnaanermik nakkutilliinissamillu piginnaatineqarnissaat.

Nunalerineq pillugu Siunnersuisoqatigiit nunalerineq pillugu Naalakkersuisunut siunnersuisuupput, kisiannili taamaalillutik piginnaatinnegalerlutik Nunalerinermut Siunnersorteqarfimmi Upernaviarsummilu misileraavimmi sulisunik atorfinititsinernik soraarsitsinernillu aalajangiisinnaanngorlutik.

Taamatut nalinginnaasumik oqartussaannerup ingerlatsisernerup saneqqunneqarnera Naalakkersuisunit nalilernerqarpoq nunalerinermut sullissinermut pitsaanerpaajusoq.

Naalakkersuisut Nunalerineq pillugu Siunnersuisoqatigiit piginnaaneqarnerat suliassanillu avitsinerat imaalissaaq, Naalakkersuisut ukiumoortumik aningaasanut inatsisini nunalerinermut tapiissutissanik siunnersuusiortassasut. Naalakkersuisut nunalerinermut tunngasunik inatsisissanik nutaanik siunnersuusiussapput, maleruagassanullu atuuttunut allannguutissanik siunnersuusiussallutik.

Nunalerineq pillugu Siunnersuisoqatigiit qulaani pineqartut pillugit tusarniaavigineqartassaaq.

Nunalerineq pillugu Siunnersuisoqatigiit Namminersornerulluk Oqartussat ataanni pisortat suliffiutaannut ilaavoq taamatullu nalinginnaasumik ingerlatsinermi maleruagassat malittussaallugit, missingersuusiormi naatsorsuusiormilu maleruagassat, taamatullu atorfinittisarnermi soraarsittisarnermilu maleruagassat piunnaasaqataasullu Namminersornerullutik Oqartussat ataanni atuuttut malillugit pisassallutik.

Nunalerineq pillugu Siunnersuisoqatigiit pisussaataassapput ukiut tamaasa missingersuusiussallutik kukkunersiukkanillu naatsorsuutinik suliaqassallutik Naalakkersuisunit akuerineqartussanngorlugit nassiunneqartussanik. Naalakkersuisut Nunalerineq pillugu Siunnersuisoqatigiit taassumalu ataani atorfeqarfiit nakkutigisassaraat.

Nunalerineq pillugu Siunnersuisoqatigiit suliassanik suliaqarnerat Naalakkersuisut sinnerlugit pissaaq. Taamaalillutik Naalakkersuisut pisinnaatitaapput pisussaataallutillu suliassat inatsisit atuuttut malillugit nalinginnaasumillu pisortanit ingerlatsinermi allaffissormilu tunngaviusartut malillugit suliarineqarnerisut nakkutigissallugit.

Naalakkersuisut pisariaqartillugu Nunalerineq pillugu Siunnersuisoqatigiinnut nakkutilliisassapput. Nunalerineq pillugu Siunnersuisoqatigiit nakkutilliivigineqarneranni, Naalakkersuisut suliat aalajangersimasut pillugit nalunaarusianik piunnaasarsinnaapput, missingersuutillu malittarineqarnerisut nakkutilliivigissavaat. Naalakkersuisuttaaq Nunalerineq pillugu Siunnersuisoqatigiit aaqqissuunneqarnerminni ilinniagaqarsimanermik tunngavilimmik ingerlatsinermik aalajangiisinaanermik piginnaasaqarnerisut nakkutigissallugu, aammalu qulakkiissallugu illersorneqarsinnaasumik naatsorsuuserisoqarnerisut nalunaarsuiffeqarnerisut.

Nunalerineq pillugu Siunnersuisoqatigiit pisussaataassapput Naalakkersuisut nakkutilliinerminnut atatillugu piunnaasannik paasissutissanik nalunaaruteqassallutik. Paasissutissat piunnaasarineqartut Naalakkersuisut tigunngikkunikkitt, taava Naalakkersuisut pisariaqartitsineq naapertorlugit pisussaaffeqarput Nunalerineq pillugu Siunnersuisoqatigiinnut piginnaatitsineq utertissallugu (maleruagassat aalajangerneqartut atorunnaarsillugit), taamaalilluni suliassat Naalakkersuisunit suliarineqalissallutik.

3. Aningaasatigut allaffissornikkullu pisortanut kingunissai:

Aningaasatigut allaffissornikkullu pisortanut kinguneqassanngilaq.

4. Inuussutissarsiutinik ingerlatsisunut aningaasatigut allaffissornikkullu kingunissai:

Inuussutissarsiutinik ingerlatsisunut aningaasatigut allaffissornikkullu kinguneqassanngilaq.

5. Avatangiisinut pinngortitamullu kingunissai:

Avatangiisinut pinngortitamullu kinguneqarnissaa ilimagineqanngilaq.

6. Innuttaasunut allaffissornikkut kingunissai:

Aningaasatigut allaffissornikkullu innuttaasunut kinguneqassanngilaq.

7. Naalagaaffeqatigiinnermut namminersornermullu tunngasut:

Soqanngilaq.

8. Pisortaqarfiit kaatuffiillu il.il tusarniaaviginerat:

Siunnersuut kommunitunut nunalerinermilu kattuffinnut tusarniaassutigineqarsimavoq kattuffinnillu kalluarneqartunit tigulluarneqarluni.

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

§ 14 a-mut.

Imm. 1-imut.

Naalackersuisut Nunalerineq pillugu Siunnersuisoqatigiinnik pilersitsissapput ilaasortaralugit siulittaasoq Naalackersuisunit toqqagaq, Ilaasortat marluk Savaatillit Peqatigiit Suleqatigiissut toqqagaat, ilaasortat pingasut kommuninit nunalerisoqartunit toqqakkat, ilaasortaq ataaseq Nunalerineq pillugu Siunnersuisoqatigiit suliffeqarfiutaanni sulisut sinniisaat, ilaasortaq ataaseq Neqi A/S-imit toqqagaq, ilaasortaq ataaseq Fۇdevareministerie-mit toqqagaq ilaasortarlu ataaseq Pinngortitaleriffimmit inassuteqaat tunngavigalugu Naalackersuisunit toqqagaq. Fۇdevareministerie-p Nunalerineq pillugu Siunnersuisoqatigiinnut ilaasortamik toqqaanissaminnut peqataarusullutik nalunaarutigaa.

Ullumikkut nunalerinermik inuussutissarsiuteqarnerup annersaa Narsap, Qaqortup Nanortalillu kommuniiniimmata, taakku kommunit tamarmik ataatsimik Nunalerineq pillugu Siunnersuisoqatigiinni ilaasortaataqarput. 2009-mi kommunit kattussuunneqarpata piffimmit tassannga ilaasortanit toqqaasarneq ullumi toqqaasarnertut issaaq. Paamiut Nuullu kommuuniini ataasiakkaanik nunaatileqarpoq. Nunaatillit taakkunaniittut Savaatillit Peqatigiit Suleqatigiissut aqutugalugu Nunalerineq pillugu Siunnersuisoqatigiinni sunniuteqarniarsinnaapput.

Siunnersuut Nunalerineq pillugu Siunnersuisoqatigiinnit ullumikut atuuttunit allaanerungaangilaq. Siunnersuummili siunnersuutigineqanngilaq Islandske Landboforening sinniseqassasoq. Naalackersuisut isumaqarput kattuffimmit taassuminnga paasissutissat pisariaqarnerat malillugu piniarneqarsinnaasut.

Imm. 2-mut.

Naalackersuisut Nunalerineq pillugu Siunnersuisoqatigiit sulinerannut malittarisassiussapput.

Nunalerineq pillugu Siunnersuisoqatigiit Namminersornerullutik Oqartussat missingersuusiornermut, naatsorsuusiornermut naatsorsuutinillu saqqummiussinissamut maleruagassaat qaqugukkulluunniit atuuttut malissavaat. Nunalerineq pillugu Siunnersuisoqatigiit ukiut tamaasa Naalackersuisunut, Naalackersuisut piffissaliussaata iluani, missingersuutissatut siunnersuummik ukiumut aningaasaliiffiusussamut tulliuuttumut tunngasumik tunniussisassapput.

Immikkut piumasaqaataavoq Nunalerineq pillugu Siunnersuisoqatigiit Nunalerinermut Siunnersorteqarfimmut Upernaviarsummilu misileraavimmut suliarineqartussanik ingerlatsinermullu missingersuutinik Naalackersuisunut nassiussissasut. Taamatuttaaq piumasaqaataavoq, Nunalerineq pillugu Siunnersuisoqatigiit suliffeqarfiit ataaniittut suleqatigalugit ukiut tamaasa ukiumut nalunaarummik saqqummiussaqaartassasut, nunalerineq pillugu politikkimut pingaarnermut naleqqiullu sunik suliaqarsimanernik angusanillu oqaluttuatumik.

Nunalerineq pillugu Siunnersuisoqatigiinni ilaasortat Inatsisartuni Naalackersuisunilu il. il. ilaasortat aningaasarsiaqartitaanerat il. il. pillugit Inatsisartut inatsisissaat malillugu Namminersornerullutik Oqartussat sinnerlugit sulisinneqartut inatsisartunut ilaasortaangitsunut akissarsiaritinneqartartut malillugit akissarsisinneqartassapput.

§ 14 b-mut.

Nunalerineq pillugu Siunnersuisoqatigiit nunalerineq pillugu apeqqutinut Naalackersuisunut siunnersuisuupput. Pisorta qarfik nunalerinermik akisussaasuusoq ullumikkusut Nunalerineq pillugu Siunnersuisoqatigiinnut allatseqartitsisassapput.

Allatseqartitsinermi suliassat ilagaat Nunalerineq pillugu Siunnersuisoqatigiit ataatsimiinnissaannik piareersaaneq, oqaluuserisassanik suliaqarneq, Nunalerineq

pillugu Siunnersuisoqatigiit ulluinnarnilu aqutsisut ataatsimiinnerannik imaqarniliorneq, aammalu Nunalerineq pillugu Siunnersuisoqatigiit aalajangigaannik naammassinnineq.

§ 14 c-mut.

Imm. 1-imut.

Naalackersuisut malittarisassanik aalangiisinnaapput, Nunalerineq pillugu Siunnersuisoqatigiit siulittaasuata imaluunniit ataatsimiitsitaliap ataaniittup piginnaatitaanissaanik sulianik nalornigisassaannigitsunik aalangiisinnaannngortillugit, imaluunniit Nunalerineq pillugu Siunnersuisoqatigiinni suliat assigiiat aalangiivigineqartarnerat naapertorlugu aalangiisinnaannngortillugit.

Naalackersuisut Nunalerineq pillugu Siunnersuisoqatigiit Naalackersuisut sinnerlugit aalangiisarnissaannut maleruagassanik aalangiisinnaapput. Tassaasinnaapput suliassanut aalajangersimasunut Naalackersuisut pisinnaatitsinerat. Aamma Naalackersuisut Nunalerineq pillugu Siunnersuisoqatigiit peqqusinnaavaat soorlu aningaasat inatsisaanni aningaasaliissutinut killingisa iluanni misileeqqullugit ilisimatusaqqullugilluunniit kiisalu siunertanut tamakkununga avataaniit aningaasaliisussarsioqqullugit.

Imm. 2-mut.

Naalackersuisut maleruagassanik aalangiisinnaapput Nunalerineq pillugu Siunnersuisoqatigiit piginnaatilerlugit Nunalerinermut siunnersorteqarfimmi aamma Upernaviarsummi misileraavimmi aqutsinissamut ingerlatsinissamullu, Nunalerineq pillugu Siunnersuisoqatigiinnik Nunalerinermut siunnersorteqarfimmi aamma Upernaviarsummi misileraavimmi atorfinitsitsinernut, toqqaanernut soraarsisitsinernullu piginnatitsisumik. Nunalerineq pillugu Siunnersuisoqatigiit, Naalackersuisut piffissaliussaata iluani, ukiut tamaasa ukiumut aningaasarsiorfiusumut tulliuuttumut missingersuutinik Naalackersuisunut siunnersuuteqartassapput. Siunnersuummi missingersuusioneqarsimassapput isertitassatut naatsorsuutit, ingerlatsinermi aningaasartuutit aammalu sanaartornissamut aningaasartuutit.

§ 14 d-mut.

Aalajangersakkat Naalackersuisunut maalaarutigineqarsinnaasut, allakkatigut nalunaarutigineqarunik maalaarsinnaanermi sumut maalaarsinnaanermut, qanorlu maalaarsinnaamut ilitersuummik imaqqassapput. Tamannali atuutinngilaq aalajangikkap pineqartoq isumaqatigilluinnarpagu.

Aalajangikkat inatsisit malillugit piffissap aalajangersimasup iluani eqqartuussivinnut taamaallaat tunniunneqarsinnaappata, tamanna pillugu paasissutissanik ilaqartinneqassapput.

§ 2-mut.

Siunnersuutigineqarpoq Inatsisartut inatsisaat 1. december 2007-imi atuutilissasoq.